

芮城縣志序

解屬處條岡之南者為平芮芮
尤僻於平冠蓋車馬所罕至余
行部抵其境見夫土田平行水
利沃饒父老含哺而遊幾若別
有天地因念余昔日任垣時風
淳俗儉河聲山色俯仰樂之其
即今日所見之芮乎然余之於

垣固未敢以簡僻安矣夫繁劇之邦酬應紛拏民間之農桑疾苦多恐未周是以勤習吏治者轉欲得簡僻而留心民事今觀莫宰之所以治芮其與余當日之治垣者固未嘗異其術也余以全解之志多所闕略因奉上官指纂輯莫宰偕王廣文執

信以縣志稿來質覽其文按其
圖搜竒剔隱囊括無遺芮之俗
故淳悶宰為之立書院嚴課讀
以詩書之氣導其性靈造物之
才固不擇地生因材而篤亦視
人振作以為鼓舞安見山陬僻
壤之區不即為人文蔚起之藪
乎後之宰是邑者苟不安於僻

而蹠進是求或安於僻而因循
弗振皆非芮民之所望於宰也
夫果吏治日臻官民相得政簡
刑清之日槐蔭滿庭泉聲繞砌
覽山川之勝其與炎日朔風中
號為折腰能吏者又何如也
乾隆二十八年歲次癸未仲冬
長至之日解州直隸州知州言

子七十五世孫如泗撰

芮城縣志序

芮之未信為古芮也且芮魏之未得
淆為一也自史傳失詳而說者迄無
定論則知輯志要矣芮名起殷末周
文時詩所謂質成也繼太公叔虞師
芮師厥後良夫實國焉漢書地理志
左馮翊臨晉古芮地河水祠芮鄉具
在左桓九年梁賈芮郇同伐曲沃郇
今猗氏芮為近也孔叢子云頃適西

河興富於猗氏芮舊號西河與猗為近其在蒲坂之間與茲之芮城殆緣後周之名而云然也且以芮為魏者輒據春秋芮伯萬為其母逐魏之說謂後改芮為魏然秦人納萬於芮傳未嘗謂改芮為魏也且秦圍魏魏未滅也芮伯歸芮豈應置芮而冒魏名耶嗣晉獻使畢萬滅魏因以賜之賜魏也賜芮也即晉獻取虞冀郇瑕猗

緡并芮而燕有之而要不得以芮地
為魏地也鄭氏詩譜云魏為虞夏故
都雷首在其南析城在其東枕河曲
涉汾水是亦就晉三卿分晉以微言
之若古魏則析城以西尚有夏公虞
公北有耿巢晉亦在焉恐未若斯之
大也第所云雷首之北南枕河曲則
是也然則古芮之屬於魏者其在分
晉以後魏地始大故并今芮邑亦屬

魏地是芮特魏之一隅而非魏即古
芮地也至據魏詩傳周初以封同姓
一語謂魏為古芮夫指同姓之封為
良夫則非周初也若謂文王之子畢
公高則又封於畢而非封於芮也朱
文公亦嘗疑之矣其遂遽以為然耶
彼魏文師卜子方木諸賢括地記謂
汾州乃古西河地且有諸賢祠宇并
愛子鎮謂即卜子哭子處夫汾屬晉

地春秋傳載之朱子作史亦謂汾即古西河也獨思魏絳徙居安邑至惠王始徙大梁文侯之事獨見汾州史固未之詳舉而芮稱西河邑乘相沿其地於卜段故跡亦有存者豈其別有所據歟抑因沿革不一難以深考而姑與仍其舊也溥歷芮三載地僻事簡嘗於公暇間閱邑志竊慨一脩於前明再脩於我

朝之康熙十有一年迄今又幾百年矣
時遠事湮當思所以脩輯者而州守
言公適命蒞舉爰得而論列之
乾隆二十八年歲次癸未仲冬月直
隸解州芮城縣知縣莫溥識

芮城縣舊志歷修姓氏

明

嘉靖間

劉良臣

本縣人平涼府通判

隆萬間

李

斗鳳翔人知縣

李

選白河人知縣

薛一鶚

本縣人僉事

國朝

康熙十一年

畢盛讚 淄川人知縣

王舜民 本縣人司務

張大奇 本縣人茂名知縣

薛佩玉 本縣人都勻知縣

姚廷鳳 本縣人歲貢

解州芮城縣志

總脩

山西解州直隸州知州軍功加一級誥如泗

纂脩

芮城縣知縣莫溥

芮城縣教諭王執信

芮城縣訓導段謨

同脩

原太谷縣教諭王載

舉人

董志一

李德工

馬上

薛淮

王維屏

孫會同

薛翥鳳

李忠

李至善

貢生

張凌超

校錄

監生

薛長源

生員

孫晉人

董理

張在田

南鵬

李遠

呂祖

刑部

馬

李日

張

柳

張

王

任

王

薛

馮

修

陳

底

渡

徐

葛

城

縣

史

芮城縣刻志紳士姓名

王載 董志一 李賓王 馬上 蕭世理

孫尙簡 薛翥鳳 李忠廷 李至善 張鐸

薛偉勸 郭善相 郭含章 董宇洪 任敦化

王仲甲 薛維世 陰繼儒 趙鑄 李作標

呂念祖 張如愚 李夢文 王孟丙 李潤生

王爲序 李含章 薛新元 蕭天培 王季乙

柳大經 任檀 王橋楚 劉鳴鳳 李思洽

任鐸 薛步魁 張信 王彝 張其照

李攀龍 張弘書 閻荷儀 陳綿祚 李正舉